

S. D. N. GREGORII

PAPÆ XIII.

CONSTITVTIO

*De noua instituti Societatis
Iesu confirmatione.*

GREGORIUS EPISCOPVS

seruus seruorum Dei, ad perpe-
tuam rei memoriam.



ASCENDENTE Domino, & Sal-
uatore nostro in nauiculam, ecce
motus magnus factus est in mari,
ipse autē a discipulis rogatus ven-
tis imperauit, & facta est trāquil-
litas, quam nos in Petri nauicula
collocati, turbinibus excitatis ab eodem Domino as-
siduis precibus postulantes, nostram interea ope-
ram, et laborem in frangendis procellosis fluctibus
impendere non desistimus; cumque tanti laboris
socios, & validos remiges diuina nobis prouiden-
tia præparauerit, eorum opera in superandis sæ-
ui entis pelagi tempestatibus nos maxime subleuat,
qui, pro communi fluctuantium animarum salute
propria commoda nihili pendunt, seq. ad omnia di-
scrimina exponūt: In quo cum aliarum Religionum

A studia,

studia, tum Societatis Iesu assiduus pro Christo labor, nec non usque ad finem perseverantia promptam se ostendit, cumque prolem catholice Religionis valde proficiantem, et ad omnia pericula pro universali Ecclesia subeunda paratam procreaverit, aliam, atque aliam a prima non degenerem præstante gratia Dei quotidie substituit, ut nobis eorum alumni per multiplices probationum gradus altius provecti, semper præsto sint; quos in rebus arduis suscipiendis fructuosos operarios asciscamus, eos autem ut firmiter nobis opem ad prædicta præstare possint, ab omni non modo iniuria, sed etiam calumniis studentibus intactos conservare. Quod ut a nobis efficiatur ipsius instituta tamquam fundamenta, præsidij quod catholice Religionis impediunt impia, atque inconcussa aliorum etiam Romanorum Pontificum exemplo debemus Apostolica auctoritate tueri, quorum scilicet, Paulus III. et Innocentius etiam III. Constitutiones, et laudabile dictæ Societatis institutum confirmarunt, Paulusque idem aliam.

Societas eam ipsam ab omni quorumcumque, ordinarijque in-

Exemptio jurisdictione exemit, quo instituto, per Paulum III. examinato, et a Synodo Tridentina commendato, Societas.

Societas ordinem esse mendicantem declaravit. Quæ omnia medicas non immerito ab eis sunt concessa ob egregias virtutes, et dona Societati antedictæ diuinitus elargita, cuius præcipuus finis catholice est Religionis declarata.

Finis. defensio ac propagatio, animarumque in christiana vita, et doctrina profectus. gratia quoque eius vocacionis

rationis est proprium diuersa orbis terrarum loca
ex Romani Pontificis, seu Propositi Generalis eius-
dem Societatis directione peragere, vitamq; in
quauis mundi parte agere, vbi saluandarū sua ope-
ra animarum copiosior prouentus ad Dei gloriam
speretur. Ad quem finem Spiritus sanctus bo. me.
Ignatij Loyolæ Societatis ipsius Institutoris, e-
iusq; sociorum excitator, media quoque prædicatio-
num ac cuiuscunq; ministerij verbi Dei doctrinæq;
Christianæ, & spiritualium exercitiorum, aliorum
item charitatis operum, & Sacramentorum admi-
nistrationis, ac præcipue Pœnitentiæ, & Eucharis-
tiæ horumq; frequentioris vsus accommodauit. Ad
quæ sufficienter, et pro dignitate præstanda difficul-
tates superandas, periculaq. adeunda, quibus dictæ
Societatis religiosi in huiusmodi discursionibus, &
ministerijs exponuntur, necesse est vt ipsi talia obi-
turi magno virtutis, & deuotionis præsidio munian-
tur, quod illis gratia in primis omnipotentis Dei;
simulq; educatio ipsa, longa item in Societate pro-
batio nec non regularum, & Constitutionum obser-
uantia præstare noscuntur, Quibus Constitutioni-
bus, vt tantæ ponant rudimenta virtutis ad quam
aluntur, statutum est, vt Nouitiū in Societate bien-
nio probentur, quo expleto si ipsi perseuerare vo-
luerint, & Societati fuerit ab eis satisfactum (quo-
niam Societas ipsa nō solis Nouitijs, & Professis,
vt reliqui regulares ordines constat), tria sub-
stātiaalia vota simplicia (nisi quis interdum ad pro-
fessionem, vel gradum coadiutorij formatorum ad-

Media

Longa
probatio.

Nouitiū
biennio
probantur

Tria sub- mittendus videretur) Paupertatis, Castitatis, &
 statthalia Obedientie in eadem Societate ex Apostolico indul-
 votasim- to, ac iuxta vouendi formulam in eisdem Constitu-
 plicia, tionibus expressim emittunt, ac secundum illas pro-
 mittunt se eandem Societatem ingressuras, hoc est
 ulteriorem aliquem illius gradum, prout Prepo-
 Schola- sito videbitur Generali. Quibus votis emissis No-
 tes ap- uiti esse desinunt, & in Societatis corpus, qui litte-
 probati, ris operam dederint vel daturi sunt, ut Scholares
 Coadiu- approbati, alij vero ut Coadiutores temporales na-
 tores tē- dum formati cooptantur, ac quantum est ex par-
 porales, te ipsorum perpetuo, ex parte vero Societatis iux-
 ta Apostolica indulta, & Constitutiones prædi-
 ctas tandiu obligati sunt, quandiu Prepositus Ge-
 neralis eos in Societate retinendos esse censuerit.
 Quod ad Societatis conseruationem maxime est ne-
 cessarium, idque ab illius exordia prouisum, &
 post experimento comprobatum est, idq; initio in-
 gressus illis explicite manifestatur, atq; ipsi con-
 ditionem hanc amplectuntur, quæ eis (si quos di-
 mittere oporteat) multo est commodior, ut libe-
 ri potius, quàm votis obligati dimittantur, alijsq;
 iustis & rationabilibus de causis. Coadiutores tem-
 porales non formati, qui non ad studia litterarum,
 sed ad domestica munia curanda destinantur, post
 aliquot annos, quibus Generali Preposito, & So-
 cietati satisfecerint, per tria item Paupertatis, Ca-
 stitatis, & Obedientie vota licet publica, & in ma-
 nibus Superioris emissæ, non tamen solēnia, sed tum
 ex Constitutionum præscripto, tum ex vouentis, &
 admit-

admittentis intēione simplicia existunt, in Coadiutorum temporalium formatorum gradum admittuntur. Scholares vero studiis in Societate absoluentis, antequam professi, vel Coadiutores spirituales formati fiant, non solum tertium adhuc vltioris probationis annū, in deuotionis & humilitatis exercitijs impēdunt, vt si qua fortasse in re harum virtutum feruor per litterarum occupationem interpuerit, per earundem virtutū frequentiorem exercitationem ardentiorēq; Diuini auxilij inuocationem recalescat, sed etiam in verbi Dei sacrarum, & scholasticarum lectionum, penitentiāq; & Eucharistiæ Sacramētorum Societatis ministerijs tādiū probantur, quandiu Præposito Generali videatur, nec antequam ipsi Præposito sint plane per spēs, etiq; in omnibus satisfecerint, ad huiusmodi gradus promouentur. Qui enim ad professionem quatuor votorum admittendi sunt, eos iuxta Constitutiones easdem, & Apostolica decreta & Indulta viros omnino humiles ac prudentes in Christo, et in vitæ puritate ac litteris conspicuos, diuturnisq; ac diligentissimis experimētis probatos atque Sacerdotes et in ministerijs huiusmodi prius diu multūq; versatos vocatio hæc requirit, utpote quos ardua maneant ministeria. Quo fit, vt non omnes ad eandem professionem idonei esse, nec tales sine longa exercitatione atq; experimento fieri, aut etiam cognosci possint. Quapropter Societatis corpus in sua membra & gradus idem Ignatius diuino instinctu ita duxit disponendum, vt præter eos quos Præpo-

nibus sed
simpli-

Tertius
probatio-
nis annus

Qui nam
ad profes-
sionē
quatuor
votorum
admittē-
di.

huiusmodi
 Professi
 triū voto
 rum. &
 Coadiu-
 tores spi-
 rituales
 formati.
 Coadiu-
 torū for-
 matorū
 certus in
 Societa-
 te gradus
 & pau-
 pertas.
 Quartū
 votū so-
 lenne.
 Alia Vo-
 ta Simpli-
 cia Pro-
 fessorū.

situs Generalis ad professionem quatuor votorum idoneos esse cōsuevit. & nonnullos, quos interdum ad professionem trium admittere potest, reliqui etiam Sacerdotes, quorum vita & doctrina in Societate diu probata esset ac Præposito Generali perspecta, & de ipsius licentia in Coadiutorum spiritualium formatorum gradum, per tria illa vota similiter publica, sed simplicia in superioris manibus emissa admitterentur. Quibus emissis tam hi qui spirituales, quam qui temporales Coadiutores formati fuerint, certum in Societate gradū habent, suntq. omnis hereditariæ successionis incapaces, nihilq. omnino propriū iuxta Constitutiones easdem habere possunt. Nec propter emissā huiusmodi vota publica aut per mortem ab intestato in illorum sicuti nec in Professorum bonis Domus vlla, aut Ecclesia vel Collegium dictæ Societatis succedere potest. Qui vero quatuor votorum Professi futuri sunt, ij tribus illis solemnibus substantialibus votis quartū similiter solenne addunt specialis Summa Pontifici obedientiæ circa missiones præstandas ob certiores Spiritus sancti in missionibus ipsis directionem, ac maiorem ipsorum mittendorum Sedis Apostolicæ Obedientiā, maioremq. deuotionē, humilitatem mortificationē ac voluntatum abnegationem. Post emissam vero professionē siue quatuor, siue triū votorū, Professi ad Paupertatis, quæ regularis instituti murus est & propugnaculum, perfectionem tuendam, omnemq. ambitionis occasionem excludendam, nonnulla alia simplicia vota emittunt, quibus promittunt se nunquam quacunque ratione

aturos vel consensuros, ut quæ in Constitutionibus Societatis circa paupertatem ordinata sunt, immutentur nisi quando ex iusta rerum exigentium causa paupertas magis restringenda videretur, neque præsensuros ne indirecte quidem, ut in aliquâ prælationem vel dignitatē intra vel extra Societatem eligantur, nec extra Societatem in sui electionem quantum in eis fuerit, consensuros, nisi coacti obedientia eius qui id ipsis possit sub pena peccati præcipere, Item Societati vel eius Præposito manifestaturos si quem sciant aliquid huiusmodi moliri. Porro non solum Professi, & Coadiutores formati, sed et alij, quicumque absoluto probationis biennio prædicta tria substantialia vota etiam simplicia remiserint, si absque expressa licentia à Societate discedant, etiam si prætextu melioris frugis, & transitus ad alium quemcumque ordinem. (Carthusien sum duntaxat excepto) id faciant, apostasia & excommunicationis ex Apostolicæ sedis decreto penas incurrunt, à quibus non nisi à Summo Pontifice, vel à Generali Præposito absolui possunt. Inique enim cum Societate ipsa ageretur si viris multo labore ad ardua ministeria eruditis cum religionis catholica & huius sedis detrimento priuaretur, præsertim cum Societatis Constitutiones, & privilegia quæ supradicta continet, in separata, antequam ad Nouitiorum cōiectum admittatur, habitatione eis maturius considerata tradantur. Biennio Nouitiatu completo, & emissis votis simplicibus, una est omnibus omnino viuendi & obediendi ratio, de-

Qui emissis votis etiam simplicibus, si licet, discedunt apostata, & excommunicationis penas incurrunt. Penæ re seruatz.

Omnibus una est viuendi, & obediendi ratio.

Domus
Probatio
num.

Colle-
gia.

Domus
Professo-
rum.

11-10-10

-Promis-
sio distri-
buendi bo-
na in pau-
peres.

Qui ex-
pleto biē-
nio No-
uitiatus
tria sub-
stantialia
Societa-
tis vota,
simplici-
cia emi-
serint ve-
re & p-
prie reli-
giosi exi-
stunt.
Si à So-
cietate

bent enim omnes in omnibus obedire, & in communi
ni vivere non secus alijs, atq; ipsi Professi & Coa-
diutores formati, idq; in Domibus quidem Proba-
tionum & Collegijs ex redditibus, in Domibus vero
Professorum, quæ nullos omnino redditus habere
possunt, ex eleemosynis tantum. Et licet qui ad gra-
dus Professorum, et Coadiutorum formatorum non-
dum pervenerunt, bonorum suorum ius atq; domi-
nium tum alias ob iustas causas, tum etiam ut ma-
iorem Societas habeat libertatem illos, si opus fue-
rit, cum minori offensione dimittendi, ad tempus
Generalis Præpositi iudicio præscribendi valeant
retinere, ut in pauperes tandem seu alios pios usus
pro ipsorum deuotione distribuant iuxta Euange-
licum consiliū ac promissionem quam initio No-
uitiatus faciunt, interim tamen quantum ad illorum
usum, religiosam paupertatem seruant, nec vlla re
tanquam propria, & sine Superioris facultate uti
possunt. Et quantiuis ij omnes qui post biennium No-
uitiatus dicta tria vota Simplicia, ut præfertur e-
miserint, ac in corpus Societatis cooptati, illiusq; meritorum, & priuilegiarum, non secus atq; ipsi
Professi, participes effecti, quiq; quantum in eis est,
& professionem emittere parati, si ipse Præposi-
tus Generalis id prædictæ Societatis instituto con-
gruere indicauerit, & in perpetuum Dei seruitio
votis simplicibus consecrati, ac sua sorte prout lau-
dabile Societatis institutum exigat, contenti, vere, &
proprie religiosi existant, et si à Societate deficiant,
excommunicationis et alijs Apostatarum pœnis sine
subie-

subiecti, tamen cum non ita pridem intellexissemus deficient nonnullorum animos, qui p̄ alioqui & viles ope- excōmū-
rarij existerant, sollicitari interdum et affligi, qua- nicatio-
si non essent religiosi, eo quod non essent Professi, nis & a-
nec etiam deesse qui Religionis prætenu transfigu- lijs apo-
rante se in angelum lucis Satana, non solum ea oc- statarum
casione inquieti existerent sed etiam aliorum pa- pœnis
cem & vocationem disturbare, eosq̄. in fraudem & subiaccēt.
defectionem deducere conarentur, vnde fructuosa
hæc religio grauissima potuisset accipere detrimen-
ta; Idcirco cum diuina providentia pro temporum
necessitate, varia & salutaria ordinum instituta in
Ecclesia sua produxerit, nouisq̄. subinde in ea nascē-
tibus morbis noua remedia, nouisq; emergētibus ha-
stium impugnationibus, noua regularium ordinum
auxilia excitavit; & cuique illorum, iuxta cuiuslibet
peculiaris gratiæ vocationem peculiare quas-
dam notas, propria insignia, ac opportuna ad finem
quem intendit, media suggererit, & nunc maxime
vt felicissimi toto orbe successus testatur) mirificos
in agro Dominico fructus prædicto Societatis Iesu
instituto proferat: quæ Societas (quemadmodum
& alia nascentium regularium ordinum exordia)
a spiritu contradictionis impugnatur, cumq; ipsi or-
dines Romanorum Pontificum propterea constitu-
tionibus circummuniri consueuerint; cuius rei san-
ctorum Dominici, & Francisci præclarissimi ordi-
nes exempla abunde suppeditarunt: ita nos licet
aliis, institutum prædictum, priuilegia & Consti-
tutiones ipsius Societatis confirmauerimus & de-
clara-

Societa-
tis exor-
dia impu-
gnata, vt
& aliorū
ordinū.

Alia in-
stituti
Declara

tio & Cōclarauerimus, Motu proprio & statuentes eos, qui
 firmatio bñio Nōuitatus peractio tria vota, tametsi simpli
 refertur: cia emiserunt esse verè, & propriè Religiosos; cum
 præcepta; ne quis hæc in dubium reuocare audeat,
 ac cum irritante, & alijs decretis, prout in nostris
 super hoc confectis litteris plenius continetur. Quia
 tamen non defuit temeraria quorundam audacia,
 qui post declarationem, decretum, præceptum, &
 interdictū nostrum huiusmodi non solum multa ex
 prædictis, & fortasse alia ad Societatis institutum,
 ac viuendi formam spectantia labefactare, sed &
 ipsa Apostolica decreta; ac præcepta, publice, &
 ex cathedra, ausu temerario impugnare, mentemq;
 nostram peruerse interpretari non erubescunt, dis
 putantes, & prædicta in dubium reuocantes: om
 niaq; ex aliorum regulariū ordinum communibus
 rationibus, formis, ac statutis metientes, Societa
 tis Institutum; peculiare Constitutiones, ac vim
 votorum simplicium illius, a sede Apostolica, in ea
 dem Societatis Religione probata, admissorum, pe
 nitus ignorantes, ac nonnulla iure antiquo, quæ post
 illud successu temporum huius sedis auctoritate, ap
 probatione, & confirmatione, ac peculiaribus pri
 uilegijs, sancita, & roborata esse dignoscuntur, per
 peram interpretantes; conuellere nituntur; quin
 etiam nos supradicta Motu simili, & ex certa sciē
 tia de Apostolicæ potestatis plenitudine decernē
 tes, ac præcipientes, priuato sensu loquutos fuisse ac
 tanquā priuatos doctores errare potuisse, immo ve
 re, et de facto ob falsam supradictorū informatio

Impu
 gnantiū
 obiectio
 nes.

nem errasse. Ideoque præceptum nostrum nullam
ad obligandum vim habere. Neminē præterea co-
rū, qui solemnem professionem in dicta Societate
non emisērūt de illius corpore, aut vere, & proprie
religiosum esse posse, sed eos mīere seculares, ac or-
dinariorum iurisdictioni subditos existere, nec So-
cietatem ipsam, aut illius superiores, immo nec nos
ius in eos ullam ex vi Votorum huiusmodi habere,
vel acquirere, aut superioribus ipsis conferre pos-
se, non considerantes voti solennitatem sola Eccle-
siae constitutione inuentam esse, triaq; huiusmodi
Societatis vota tametsi simpliciā, vt substantialia
Religionis vota ab hac sede fuisse admissa, illaq; e-
mittentes in statu Religionis vere constitui; quip-
pe qui per ea ipsa se Societati dedicant, atq; actu
tradunt; seq; diuino seruitio in ea mancipant. In
quibus votis nullus præter Romanū Pontificem
potest manū apponere: alijsq; atq; alijs modis So-
cietatem ipsam impetunt, vniuersali Ecclesiae per
vilem; quæ diuersis functionibus, & personarum
gradibus distributa, à Romanis Pontificibus Pres-
byterorum, à Tridentina Synodo clericorum Re-
ligio appellata, habitu, nomine, plerisq; personarum
gradibus, votorumq; differentijs ab alijs Regulari-
bus ordinibus distinguitur. Quibus etiam adiungūt
licere iisdem non professis, etiam inuitis dictæ So-
cietatis Superioribus ad quosuis alios regulares or-
dines se trāsferre: Transgressoresq; horū votorum,
ac inobediētes, aut etiā vxorē ducentes nullam ipse
Societati iniuriā facere, immo posse Episcopos cum
eis

eis dispensare, ut inuitis etiam superioribus eisdem,
 uxorem ducant, quibus cum glossatores, & obtre-
 ctatores huiusmodi sua falsa doctrina fauere per-
 gunt horum votorum naturam, & pœnarum vim,
 vel non intelligentes, vel eludere conantes, eo sunt
 progressi, ut etiam vi facultatum quæ litteris indul-
 gentiarum Cruciatæ sanctæ nuncupatarum conti-
 nentur, omnes transfugas, & ab ipsa Societate de-
 ficientes non professos, quoties ab ea defecerint, ab
 excommunicationis latæ sententiæ pœna à quocun-
 que confessario absolui posse, nullamque ipsi Socie-
 tati suis operarijs priuatæ iniuriam fieri, aut præ-
 iudicium generari existiment, sed & votorum sub-
 stantialium Religionis prædictæ, ac decretorū con-
 tra eosdem Apostatas sedis huius auctoritate edi-
 torum vim, quantum in eis est, eneruare contem-
 dant. Insuper asserunt non posse vota aliqua in secu-
 lo emissa, in tria hæc substantialia Societatis com-
 mutari, cum tamen hæc vota sint status, ut præfer-
 tur, religiosi adeo utilis, & perfecti, ut illa in hæc
 possint, hæc vero in aliorum ordinū etiam solennia
 vota cōmutari sit ab hac sede iussis de causis inter-
 dictū. Nec etiā desunt alia quæ in animarū suarum
 præiudicium, Societatis perturbationem, & standa-
 lum plurimorum comminiscantur. Nos vniuer-
 salis Ecclesiæ vtilitati quam ex inuiolato, & in-
 cōcusso dictæ Societatis instituto, & religiosa sobo-
 lis educatione sentimus, & maiorem in dies spera-
 mus, prospicientes & præterea eiusdem Societatis
 indemnitati, paci, quieti, & incremento consulere
 volen-

Volentes, Motu simili, & ex certa scientia nostra, deq; Apostolicæ potestatis plenitudine laudabile ipsius Societatis institutum, & quæ illud concernunt præmissa omnia, & singula prædictaq; illius ac quæcunq; alia privilegia, facultates, exemptiones, immunitates, gratias, & indulta, à prædictis prædecessoribus nostris, & à nobis etiam per communicationem concessa, Constitutiones quoque, ac statuta, & decreta qualiacunq; ac si ad verbū præsentibus infererentur, pro expressis habentes, tenere præsentium approbamus, & confirmamus, suppletentes omnes Iuris, & facti defectus, si qui interuenerint in prædictis Constitutionibus, & statutis; Ad hæc dictam Societatem firmo sedis huius præsidio communire volentes, hæc nostra perpetua Constitutione, motu, scientia, & potestatis plenitudine similibus statuimus atq; decernimus tria vota huiusmodi, & si simplicia, ex huius sedis institutione, ac nostra etiam declaratione, & confirmatione esse vere substantialia Religionis vota, ac in dicta Societate tanquam in Religione approbata per se eandem admissa fuisse, & esse, ac per nos admitteri, nec in illis a quoquam præter nos, & sedem huiusmodi dispensari, nec ea ullo alio modo quam per legitimam dimissionem à Societate cessare posse, & non modo eos, qui in coadiutorum formatorum, siue spiritualium, siue temporalium gradus, et ministeria, ut præfertur, admittuntur, sed et Scholares ipsos, ac supradictos alios omnes, & quoscunq; qui in ipsam Societatem admissi biennio probatione

Nona in
stituti ac
præmissio
rum om
nium Co
stitutio
numque
& Priui
legiorū
Societa
tis Con
firmatio.

Huiusmo
di tria
vota, & si
Simpli
cia vere
tamē sūt
Religio
nis sub
stantialia
vota.

Huiusmodi vota, & simplicia, emittentes vere & proprie religiosi. Noua exemptio

bationis à quolibet eorum peracto tria vota substantialia prædicta, tametsi simplicia emiserint, aut emittet in futurum, vere, & proprie religiosos fuisse, et esse, ac fore, et ubiq. semper & ab omnibus censeari, & nominari debere, non secus atq. ipsos tum Societatis, tum quorumuis aliorum Regularium ordinum Professos, suisq. Præpositis in omnibus, & per omnia obedire, & huic sedi immediate subiectos, & a quorumuis ordinariorum, & delegatorum, seu aliorum iudicium iurisdictione omnino exemptos, pro vt nos etiam vigore præsentium eximimus, deniq. vt omnium Societatis præuilegiarum iuxta Generalis Præpositi dispositionem sunt participes, ita quoq. excommunicationis maioris latæ sententiæ, et alijs Apostatarum pœnis, si qui à Societate deficiant subiacere, ac tanquã veros Apostatas puniri posse, nec à quoquã, nisi per nos, & sedẽ prædictam, aut Generalem Præpositum ab eisdem pœnis absolui, nec ante huiusmodi absolutionem, & à Societate dimissionem matrimonium contrahere, quinimmo eos omnes ad contrahendam inhabiles, ac contractus huiusmodi nullos, & irritos esse pro vt irritos facimus, & annullamus. Et vt contradicentium audacia coerceatur præmissas omnes & quasuis alias illis similes assertiones contra dictæ Societatis institutum, vel quomodolibet in illius præiudiciũ pronuntiatas, aut scriptas, falsas omnino, & temerarias esse, et censeari debere. Præcipimus igitur in virtute sanctæ obedienciæ, ac sub pœnis excommunicationis latæ sententiæ, nec non inhabilitatis ad quæ-

nis officia, et beneficia secularia, & quorumvis Or
 dinū regularia, eo ipso absq; alia declaratione in
 currendis, quarum absolutionem nobis, et successo-
 ribus nostris reservamus, ne quis cuiuscumq; sta-
 tus, gradus, & præminentie existat, dictæ Societa-
 tis institutum, Constitutiones, vel etiam præsentis,
 aut quemvis earum, vel supradictorum omnium ar-
 ticulum, vel aliud quid supradicta concernēs quo-
 vis disputandi vel etiam veritatis indagandæ quæ-
 sito colore directe vel indirecte impugnare, vel eis
 contradicere, audeant; districtius inhibētes ne quis
 siue extra, siue intra dictam Societatem, nisi de il-
 lius Generalis, aut inferiorum Præpositorum licen-
 tia notationes, declarationes, glossas, vel scholia ut
 la super præmissis facere, vel ea nisi quantum ver-
 ba ipsa sonant interpretari, aut de eis disceptare,
 seu scrupulum cuiquam iniicere, vel in controuer-
 siam aut dubium reuocare audeat quoquomodo,
 nec glossas, aut interpretationes siue impressas, seu
 scriptas ad id pertinentes legere, docere, alijsq; tra-
 dere videri vel apud se retinere præsumat, si quid
 vero dubij de eisdem oriri contigerit ad sedem præ-
 dictam vel ad Generalem Præpositum dictæ Socie-
 tatis, aut ad eos quibus id ipse commiserit, refera-
 tur. Sicq; in præmissis omnibus et singulis per quos-
 cumq; Iudices & Commissarios etiam causarū Pa-
 latij Apostolici auditores, ac S. R. E. Cardinales in
 quavis causa & instantia sublata eis & eorum cui-
 libet quavis aliter iudicandi & interpretandi facul-
 tate, & auctoritate, indicari, & definiri debere, nec

tionis, &
 inhabi-
 litatis
 poeniseo
 ipso in-
 curredis
 ne quis
 audeat
 Societa-
 tis institu-
 tū & ce-
 tera im-
 pugnare
 Nec nisi
 de Præpo-
 sitorum
 licentia
 interpre-
 tari
 Nec in
 contro-
 uersiam
 reuoca-
 re.
 Nec glos-
 fas lege-
 re, doce-
 re, alijs
 tradere,
 vel apud
 se reti-
 nere.

Sic iudicari debere.

Mandatur omnibus Ordinariis, ut presentes litteras obseruari faciant,

Non obstantibus.

non irritū, et inane quidquid sit super his a quocumque quauis auctoritate scienter, vel ignoranter contigerit attentari. Mandantes vniuersis, et singulis Patriarchis, Archiepiscopis, Episcopis & ceteris Ecclesiarum & locorum etiā Regularium, Prelatis per vniuersū orbē constitutis, ut presentes litteras in suis quisque Ecclesiis, Prouincijs, Ciuitatibus, diocesis & iurisdictionibus ab omnibus inuiolate obseruari quinetiā Prepositū ac personas Societatis huiusmodi defendant, eosque pramissis omnibus & singulis pacifice frui faciant, & gaudere, non permittentes ipsos per quoscumque quomolibet molestari, Contradictores per censuras Ecclesiasticas, & alia Iuris et facti remedia opportuna, appellatione postposita, compescendo. Inuocato etiam ad hoc si opus fuerit auxilio brachij secularis. Nō obstantibus reuocamentis Bonifacii Papæ viij. quæ incipit. Quod votum & alijs Apostolicis constitutionibus ac etiam aliorum ordinum, iuramento, confirmatione Apostolica, vel quauis firmitate alia roboratis statutis, & consuetudinibus priuilegijs quoque Indultis & litteris Apostolicis quibuscumque; huiusmodi ordinibus, Vniuersitatibus, locis vel personis per quoscumque Romanos Pontifices predecessores nostros, ac nos, et sedem prædictam etiam motu proprio & ex certa scientia, ac de Apostolica potestatis plenitudine, & cum quibusuis irritatiuis, annullatiuis, cassatiuis, reuocatiuis, modificatiuis, preseruatiuis, exceptiuis, declaratiuis, mentis attentiuius, ac derogatorijs derogatorijs alijsque efficacioribus et inso-

insolitis Clausulis irritatibusq; et alijs decretis in genere, vel in specie ac alias quomodolibet etiã plures concessis, confirmatis, et innouatis: Quibus omnibus & singulis etiam si in eis caueatur expresse, quod illis nullatenus, aut non nisi sub certis modo, et forma in illis expressis derogari possit, pro illorũ sufficiẽti derogatione de illis eorũq; totis tenoribus specialis specifica, et expressa mẽtio habẽda, seu aliqua alia exquisita forma ad hoc seruanda foret, tenores huiusmodi presentibus pro sufficiẽter expressis habẽtes, illis alias in suo robore permansuris, hac vice duntaxat specialiter, & expresse derogamus. Contrarijs quibuscũq; aut si aliquibus communiter vel diuissim ab eadẽ sit sede indultũ, quod interdici, suspendi, vel excommunicari non possint per litteras Apostolicas non faciẽtes plenam, & expressam ac de verbo ad verbum de indulto huiusmodi mentionem, Præsens autem Constitutionis & gratiæ communicationem omnibus alijs, qui sua priuilegia cum ipsa Societate copiose participant, participareq. poterũt quomodolibet in futurum, fieri omnino prohibemus. Ceterũ volumus, vt presentium trãsumptis etiam impressis manu Secretarij dictæ Societatis vel Notarij publici subscriptis, & sigillo Præpositi Generalis eiusdem Societatis, vel alterius personæ in dignitate Ecclesiastica constitutæ munitis eadem omnino fides habeatur in iudicio, & extra illud, quæ litteris ipsis originalibus haberetur si essent exhibitæ vel ostensæ. Nulli ergo omnino hominum liceat hanc paginam nostræ appro-

Præsens
cõcessio
non com-
munica-
tur.

Trãsump-
tis ha-
beatur si
des.

tionis

tionis, confirmationis, suppletionis, decretorum
statuti, præcepti, interdicti, derogationis, et volun-
tatis infringere, vel ei ausu temerario contraire;
si quis autem hoc attentare præsumpserit indigna-
tionem omnipotentis Dei, ac Beatorum Petri &
Pauli Apostolorum eius se noverit incursum.

Datum Romæ apud Sanctum Petrum An-
no Incarnationis Dominicæ 1584. octa-
uo Kal. Iunij anno Pontificatus
Nostri tertio decimo.

M. Car. S. Stephani

Cæsar Gloricius.

A. de Alexijs.

Registrata apud Cæsarem Secretarium.